

黃孝子尋親記

黃學士年譜記

黃孝子尋親記

古本戲曲叢刊初集

古本戲曲叢刊編刊委
員會標長樂鄭氏藏鈔
本影印原書葉心高二
十二公分寬十五公分

黃孝子傳奇目次

卷上

賞春

起兵

議捷

陣歿

聞戮

逼媾

拜別

游園

脫騙

逼嫁

問路

淖泥

春逼

卷下

虎護

逐女

祭江

投江

蛇護

祈夢

試貞

釋俘

詳夢

春店

送行

認女

團圓

卷三

黃卷毛刺書目次

黃孝子傳奇卷上

元闕名撰

開場

水調歌頭末上。盱江黃孝子。清綏有一貞。自幼定婚曾氏。驀地起胡塵。不幸父罹鋒刃。那更母遭驅掠。義僕撫其身。捨宅為僧寺。歷險去尋親。妻之父。因婚出。立意背盟。女心不改。投江天遣遇神人。孝子武昌哭泣。幸遇異人點化。汝州春店見慈親。子母重會合。旌表耀門庭。

第一折

賞春

滿庭芳外上。辭祿娛親。急流勇退。黑頭歸老林泉。琴樽自遣。看

閑中白晝如年。夢魂不作風波險。羨松菊。心地怡然。從心願。邊疆寧靜。及早滅狼烟。

解組辭官下澤居。紅塵踪跡更何如。十年不佩封侯印。萬卷惟藏教子書。樽有酒。食無魚。忠誠孝義兩無虧。戰袍羞覩團花冑。回首羣山聳翠微。下官姓黃名普。字文博。本貫江西建昌府南城縣清綏峯人氏。官拜宋朝統制之職。夫人陳氏。孩兒覺經。年方五歲。曾與本處曾有三。割襟為定。爭奈孩兒年幼。未堪講理。且待長成。再作區處。當此暮春天氣。風景晴和。已曾分付備酒。與夫人賞玩。陳容那裏。末上辭却功名。身自閑。枕流漱石。甚盤桓。放懷得意。須行樂。莫待秋霜染鬢斑。老

爺有何分付。(外)陳容我着你準備賞春筵席。可曾完備。(末)完備多時了。(外)既然完備。傳話後堂。請夫人上堂。着你妻子。抱小官人出來。(末)請介。

(奉時春前)(旦上)儀容端麗。慵脂膩。志清高。懶簪花蕊。

(見介)(末)又喚丑抱子上。

(奉時春後)感得提攜。小心伏侍。同來席上供甘旨。

老爺夫人。小舍人在手。不叩頭了。(外)罷了。(旦)相公呼喚妾身。有何話說。(外)夫人。下官見此風景融和。花開如繡。聊備盃酒。與夫人賞玩片時。(旦)相公賞春玩景。固可行樂。但恐早晚兵火不測。妾心甚是憂惶。(外)夫人。自古道。今朝有酒今朝醉。管

甚麼明日愁來明日憂。下官自有處置。夫人不必掛懷。陳容
看酒來。(末應介)(外旦遞酒介)

(山花子)春來景物皆明媚。看日移花影遲遲。蕩和風輕拂柳絲。
轉離鶯巧聲流麗。(合)捧霞觴光浮玉卮。佳兒五齡容貌奇。斑衣
戲舞應有時。管取他年紹續門楣。

(前腔)東風開遍千紅紫。郊原草色萋萋。任尋芳遊人競馳。爭如
我靜中安逸。(合前)

(紅繡鞋)花前暢飲忘歸。忘歸。酒淹衫袖淋漓。淋漓。人意樂。醉如
泥。親骨肉。永無虞。百歲裏。永相隨。

(尾聲)玉壺斟酒斜陽裏。銀管題詩涼露濕。方散賞春筵席。

(外)開筵對景賞芳菲。(旦)風送清香入酒卮。末丑自古算來皆是命。人生快樂是便宜。

第二折 起兵

(新水令)(淨上)強弓硬弩出穹廬。脚踏倒建康城府。南蠻真大胆。乃竟敢支吾。殺教他片甲全無。纔顯我力威武。

兀突起黃沙。鎗刀密似麻。昭君在何處。不見撥琵琶。俺乃征南大將哈迷咄麾下。萬戶木華黎是也。自幼精通武藝。素習兵刀。只因戰伐有功。以此陞為萬戶。前日進馬回來。打從江西經過。見他那里甚是繁華。為此分撥一枝人馬。守定江西。俺如今親自領兵前去。攻取建昌。擄掠些金銀財寶。美貌哈

嗽。回來受用。有何不可。把都兒那里。（衆應上）

（金字經）俺這里西風起。颭將來都是沙。我愛中原富貴家。富貴家。借城池。權歇馬。他那里多潇洒。擄將來快活殺。

小番克膝。（淨）把都兒。俺前日進馬回來。打從江西經過。見他那里甚是繁華。為此分撥一枝人馬。守定江西。俺如今親領一枝人馬到彼。打破建昌。擄掠些金銀財寶。美貌哈嗽。回來受用。有何不可。（衆）說得有理。小番啟上萬戶爺。（淨）怎麼說。（衆）小番打聽得。他那里有正將黃普為統制。副將胡楚才。在麻姑寺中。倡集義兵。要與俺每交戰哩。（淨）有這等事。小番。你每須要弓上弦。刀出鞘。馬皆勒口。軍要啣枝。就此發兵前去。（衆）

應介

(豹子令)即日興兵號令嚴。號令嚴。干戈簇簇綠旗鮮。綠旗鮮。此行若得功成就。不日須聽奏凱旋。(合)奏凱旋。回來與你打仗眠。(前腔)自小精通武藝全。武藝全。六韜三畧我為先。我為先。咱每天下無敵手。建昌管取絕人烟。(合前)

第三折 議捷

(小生上)寧為太平犬。莫作亂離人。自家胡楚才是也。今有元兵南下。侵陷建昌。一郡人民。都往紹武逃難去了。我今無計可施。只得到黃統制那里。商量一計。殺退元兵。保護城池。便了。來此已是有人麼。(末上)苔痕上階綠。草色入簾青。是那個。

呀。原來是胡相公。怎麼說。（小生）快請你老爺出來。（末）曉得。老爺有請。（外）聞說有佳賓。倒屣忙迎接。怎麼說。（末）胡相公在（外）道有請。（迎見介）胡兄為何如此打扮。（小生）黃大人。你只管在家宴樂。更不知外面禍事到了。（外）有甚麼禍事。（小生）你遂不曉得麼。

（劉滾）元兵至。元兵至。侵陷建昌城。致使黎民。逃無踪影。百姓盡遭逃。飄蓬斷梗。何時再得安然寧靜。

一郡人民。都往紹武逃難去了。你可商量一計。保護城池。便好。（外）既如此。你先到麻姑寺相等。待我招集義兵。殺退元兵。保護城池便了。（小生）如此。小弟在彼相等。一心忙似箭。兩脚

走如飛。(下)(外)陳容快請夫人出來。(末)請介。(旦)上相公怎麼說。
(外)夫人不好了。今有元兵南下。侵陷建昌。一郡人民都往給
武逃難去了。我與胡楚才到麻姑寺中。招集義兵。與胡賊交
戰。倘若得勝。與你還有相見之日。倘不能勝。你將那五歲孩
兒。好生撫養。陳容。曾家親事。都在你身上。(末)應介。(旦)相公。但
願此去。殺退賊兵。恢復城池。奏凱回來。萬千之喜。放心前去
便了。(外)夫人。下官此去呵。

(香)柳娘仗平生謀畧。仗平生謀畧。奮身向前。長驅大戰。心不憚。
把旌旗大展。把旌旗大展。喊聲振山川。敵國盡驚戰。(合)仰皇天
后土。仰皇天后土。鑒取忠烈志堅。功勲早建。

(外)就此拜別。(拜介)

(哭)相思。(合)胡酋侵略建昌城。豪傑紛紛起義兵。劍戟光芒磨日月。管教胡虜化為塵。

第四折

陣殺

(點絳脣)淨衆上紫塞青烟。玄菟白草。招南道。列馬西郊。眼底中原小。

兩眼星昏烟炯。一身虎賁昂昂。殺聲震動暗天光。若個中原攔攔。只為宋朝無主。須教四海驚惶。旌旗電閃下長江。那管銀河翻浪。俺木華黎。自起兵以來。所向無敵。衆把都來此已是建昌。你看好個繁華所在。那些百姓每紛紛逃竄。眼見得

破在旦夕。你每都要奮勇當先。擄掠金銀哈嚶。滿載而歸。與我併力殺上前去。(衆)得令。

(水底魚)耐耐南蠻。怎生不肯降。上前廝殺。管教一命亡。管教一命亡。

(宰地錦襠)衆引外上。義兵大戰伏州城。殺氣騰騰神鬼驚。喊聲四起震雷霆。努力前行不暫停。

(對陣介)外來將何人。(淨)吾乃大將木華黎是也。汝乃何人。(外)我乃統制黃普是也。(淨)哇。放馬過來。戰介。(外)敗介。擒外介。(淨)黃普。你如今要死要活。(外)我為國為民。何必多言。(淨)拿去哈喇了。(殺外下)(淨)叫把都兒。就此殺進城去。有美貌哈嚶。擄來